

# APOSTOL JUANPA KIMSA KAQ CARTAN

Kay kimsa kaq cartanta qellqaspanpas Apostol Juanqa sutichakun “ancianowanmi”. Kay cartataqa qellqarqa kuyasqan Gayomanmi. Gayoqa karqa ñiñkunata michiqmi.

Kay cartaqa tawa parteman rakisqam kanman:

Punta kaq partem willakun Gayopa allin rurasqanmanta (1-8).

Iskay kaq parteñataqmi willakun Diotrefespa mana allin rurasqanmanta (9-10).

Kimsa kaq parteñataqmi willakun Demetriomanta (11-12).

Tawa kaq parteñataqmi willakun Juanpa despedikusqanmanta (13-15).

---

## Cartapa qallariyninmanta

<sup>1</sup>Tukuy sonqoywan kuyasqay Gayo, cheqaptapuni kuyaqniki ñoqa \*anciano Juanmi qellqamuyki.

<sup>2</sup>Kuyasqay Gayo, Diosninchiktam mañakuchkani allinlla kawsakusqaykiman hina tukuy imapipas allinlla kanaykipaq hinaspa sanolla kanaykipaq. <sup>3</sup>Cheqap yachachikuykunaman hina kawsasqaykimantam ñiqmasinchikkuna hamuspa willawarqa chaymi llumpa-llumpayta kusikurqani. <sup>4</sup>Ñichisqaykuna cheqap kaqpi kawsasqanmanta uyarispaymi ñoqaqa ancha-anchata kusikuni.

<sup>5</sup>Kuyasqay wawqelláy, allintapuni rurachkanki ñiqmasinchikkunata yanaspaykiqa, aswan allintaraqmi rurachkanki forastero kaptinkuqa. <sup>6</sup>Paykunaqa ñiñkunapa huñunakuyinipim kuyakuynikimanta willakurqaku. Diosninchikpa agradonpaqmi rurachkanki viajanankupaq imawanpas yanapaykuspaykiqa. <sup>7</sup>Paykunaqa Jesucristomanta willakustinmi purichkanku, Diospi mana ñiñkunamantaqa ima yanapakuytapas manam chaskiyta munankuchu. <sup>8</sup>Ñoqanchikmi paykunataqa yanapananchik cheqap willakuypi llamkaqmasin kananchikpaq.

## Diotrefespa mana allin rurasqanmanta

<sup>9</sup>Apachimurqanim huk cartata chaypi ñiñkunaman, ichaqa Diotrefesmi mana caso-preciotapas churanchu ñiñkunapa cabecillan kayta munaruspan.

<sup>10</sup>Chaymi rispayqa payta qaqchasaq contraykupi imaymana rimasqanmanta. Rimasqanwanpas mana saksaspanmi watukuq riq ñiñkunatapas mana chaskiykunchu hinaspa samaykachiy munaqkunatapas harkakuspanraq qarqon huñunakuyman.

<sup>11</sup>Kuyasqay wawqelláy, qamqa amayá mana allin rurasqantaqa qatipakuychu, rurayqa allin kaqkunatayá. Allin ruraqkunaqa Diosmantam, mana allin ruraqkunam ichaqa Diostaqa mana reqsinkuchu.

**Demetromanta**

<sup>12</sup>Lliwmi Demetromanta allinta rimanku, kikinpa vidanmi qawachikun Diospa munasqanman hina kawsasqanta, ñoqaykupas paymantaqa allintamá rimaniku, yachasqaykichikpi hinapas ñoqaykuqa cheqap rimaqmi kaniku.

**Cartapa tukuyninmanta**

<sup>13</sup>Achkam qanman imapas nimunay karqa, ichaqa manam cartallawanqa lliwtaqa nimuykimanchu <sup>14</sup>chaymi qanwan chaylla tupaykuyta munachkani parlananchikpaq.

<sup>15</sup>Qamñayá allinlla. Amistadnikikunam saludaykamusunki. Amistadninchikku-natayá sapakamata saludaykuy.